

Sakspapir

Saksbehandlar	Arkiv	ArkivsakID
Nina Randal	FE-233	18/2522

Saksnr	Utvalg	Type	Dato
05/2019	Utval for levekår	PS	02.04.2019

Etablering av utstyrssentral på Frekhaug Bua Frekhaug

Vedlegg:

Bua

Saksopplysningar:

Bakgrunn

Meland frivilligsentral har søkt Bufdir om midlar til å starte opp ein utstyrssentral på Frekhaug.

Utstyrssentralar for gratis utlån av sports- og fritidsutstyr til barn og unge har sidan 2005 vore eit sentralt verkemiddel i styresmakta sitt folkehelsearbeid og innsats mot fattigdom og sosial ulikskap i Norge.

Tilgong på sports og fritidsutstyr er ein barriere for aukt aktivitet hos barn og unge, særleg fordi slikt utstyr ofte er kostbart.

Vurdering

Ein utstyrssentral på Frekhaug vil gje aukt moglegheit for å oppnå ein god samfunnseffekt.

Plasseringa på Frekhaug gjer at den ligg sentralt og er lett tilgjengeleg for alle, også når vi går inn i Alver.

Organisering:

Meland frivilligsentral har søkt om å etablere BUA ordningen på Frekhaug. BUA er ein nasjonal forening. Medlemskap i BUA gjev oss tilgong til blant anna:

- eit nasjonalt nettverk av utlånsordningar for deling av erfaring og kompetanse.
- Tilgong til eit utlånssystem og heimeside som gjer det lettare å administrere og enklare og meir effektivt å låne ut til mange barn og unge.
- Oppfølging og rådgjeving i forbindelse med etablering og drift.
- Hjelp til marknadsføring og synleggjering.
- Tilgong til nøkkeltals rapportering og statistikk.

Utstyret som sentralen skal leige ut skal vera tilpassa årstider og lokale forhold. Utsyret skal vera

rimeleg nytt, av god kvalitet og vedlikehaldast regelmessig. Til dømes er det viktig at sentralen kan leige ut ski og skøyter i samarbeid med skulane når det er ski eller skøytedagar. Vi har nær tilknytning til sjø slik at det vil vera naturleg å kunne leige ut redningsvestar.

Sentralen skal ha eit samarbeid med skulane, Ung Meland / Ungdomsrådet, frivillige organisasjonar og andre naturlege samarbeidspartar. Særleg opp mot viktige hendingar som leirskular, idretts arrangement, strandryddedag, sommaraktivitetar, turar i regi av Ung Meland og frivillige organisasjonar.

Drift:

For at sentralen skal vera mest mogleg tilgjengeleg, bør den vera open 2 til 3 dagar i veka på ettermiddag. Opp mot feriar er det viktig at den er open, og ein kan vurdere å ha ekstra opningstider i feriar.

Naturlege samarbeidspartar i drift av BUA Frekhaug er Meland ungdomskule og valfaget «Innsats for andre», NAV, flyktingetenesta og frivillige.

Folkehelse

Helsedirektoratets rapport Kunnskapsgrunnlag fysisk aktivitet (2014) syner ein stor samfunnsgevinst ved å auke den fysiske aktiviteten blant befolkninga.

Gevinsten kan målast i fleire leveår og aukt livskvalitet.

Velferdsgevinsten er særleg stor blant barn og unge. Helsedirektoratets rapport anslår ein gevinst i såkalte kvalitetsjusterte leveår på 16 år for barn/unge i alderen 10 – 19 år som går frå inaktiv til svært aktiv livsførsel.

Undersøkelsar frå Helsedirektoratet, NOVA (Ungdata) og SSB viser at det er nokon grupper som er overrepresentert når det gjeld inaktivitet. Jenter, ikkje-vestleg bakgrunn, fattige familiar, ikkje deltakar i organiserte idettslag er grupper som skil seg ut.

Miljø

Ein utstyrssentral vil gje eit miljøvenleg forbruk fordi familiar og barn kan låne utstyr i staden for å kjøpe nytt.

Konklusjon

Ein utstyrssentral på Frekhaug vil gjera sports og friluftsutstyr tilgjengeleg for barn og ungdom i Meland og truleg vera med å bidra til å få fleire i aktivitet både i fritida og på skulen.

Kultursjef Eirik B. Utne held orienteringa på vegne av Dagleg leiar på frivilligsentralen.

Framlegg til vedtak:

Utval for levekår tek orientringa til vitande.

Utval for levekår - 05/2019

ULK - behandling:

Leiar for kultur Eirik Utne orienterte.

ULK - vedtak:

Utval for levekår tek orientringa til vitande.